



## Universitätsbibliothek Paderborn

**Elogia Societatis Iesv Sive Propvgnacvlvm: Pontificum,  
Conciliorum, Cardinalium, Antistitutum, nec non  
Imperatorum, Regum, Principum & aliorum Virtute,  
Religione, omniq[ue] Literatura illustrium (etiam ...**

**Gomez, Cristobal**

**Antverpiæ, 1681**

Trinitarii.

**urn:nbn:de:hbz:466:1-38486**

## A TRINITARIIS.

III. \* **A**B HORTENSIO PARAVISINO Prouinciali, ac Vi-  
sstatore Generali Baetico, Concionatore vere Regio, scrip-  
toreque elegantissimo. Tomo de Sanctis, Oratione Euangelica in Bea-  
tif. S. Fran. Borgiae fol. 208. col. 4. Societas (inquit) IESV est verè  
Cælum, imo stellarum Firmamentum, Virorum scilicet in-  
signium, viuido charitatis igne Ecclesiam per totum Orbem  
illustrantium. Coadiutores spirituales Iesu Christi, Socij offi-  
cio, Filij autem Discipulorum successione: Omnes Pauli Do-  
ctores Gentium adimplentes cum efficacia effectus, qui de-  
erant sufficientia sanguinis Iesu Christi: Collegium Aposto-  
licum ad continuandum Christi Collegium substitutum.  
Cæli sunt Religiones omnes: nulli Religioni Planetæ desunt  
fœcundis illam luminibus illustrantes: Sol Thomæ, Stella  
Dominici, Globus Benedicti, Mars Augustini, via lactea  
Bernardi, Ardores purpurei Francisci, Zonæ Carmeli, Paral-  
leli Basilij, & Hieronymi, Aurora Nolasci, Iupiter verus  
Trinitatis. SOCIETAS vero Firmamentum est, nusquam stel-  
las, nusquam signa, nusquam salutares influentias in ea desi-  
derabis. Magistri omnes sunt in scribendo, Prædicatores in  
concionando, Doctores in docendo, Ascetici in exhortan-  
do, calamo, voce, exemplo, libris, suggestibus, confessio-  
nalibus. O spiritualis rationalium apum officina! quæ ex cæ-  
lesti sudore, ac proprio fragrantes fingunt fauos, mel dulce,  
& vtile spiritui, lucentem ceras Ecclesiæ. O Religio Sancta,  
quam Charitas, literæ, Modestia, & Puritas insignem adeo  
fecerunt, ut vix aliquando cepisse videaris: vsque adeo magna  
semper fuisti. Societas nempe IESV, Jerusalem noua de Celo  
ad Ecclesię reformationem descendens: Communitas prodi-  
giosa: Cœnaculum Domini in Pentecoste, ex quo Apostoli  
L. 1. igne Act. 2. 1.

*Communi-  
tas prodia-  
giosa, &  
Domini  
conaculum  
Athenæ E-  
uangelica,  
& fidelium  
semina-  
rii.*

igne variarum linguarum accensi ad Orbis conuersionem prodeunt. Tu Athenæ Euangelicæ: Tu fidelium Christianorum Seminarium: Tibi debemus omnes, id quod sumus. Ego autem, ne aliquem offendam, Tibi soli debeo, quod scio: Tibi me debitorem agnosco: in Te rationis lumen mihi affulxit, in Te studium: mea lingua, meus calamus, non grates, sed debitum naturale rependat. *Hec ille, qui hoc tam magnificum testimonium pro ardenti in Societatem benevolentia latine redditum edidit.*

112. \* AB EMANVELE REYNOSO Definitore Maiori Ordinis, scriptoreque non Vulgari in defendenda Deipara. Is in Tractatu de Immaculata eius Conceptione ser. 8. Discr. 8. fol. 159. col. 2.

*Suorum  
calamis pro  
immacula-  
ta Virginis  
Conceptio-  
ne supra  
omnes pu-  
gnauit.  
Est ex-  
cellentiam  
buccinavit.  
Quam filij  
sanctitate,  
virtute, ac  
literis de-  
fendunt.*

Magnus (*inquit*) Patriarcha Ignatius spiritum de immaculata Virginis conceptu in suam Religionem infudit, tanto nisu, firmaque adeo & stabili deuotione, ut possimus cum veritate pronunciare: ex omnibus probationibus tam de facto, quam de iure his temporibus elaboratis, in Virginea puritate ac nobilitate comprobanda, plures ab illustris huius Communitatis hominibus prodijisse, eosque solos plus in hoc articulo de Immaculata Conceptione, quam ceteras omnes Religiones, scripsisse. *Ita ille in non modicam Societatis laudem.* Et antea ser. 1. fol. 17. iam dixerat: *Societas IESV hisce ultimis mundi temporibus ad illius lumen, & exemplum venit. Et ob filij honorificum Nomen, excellentiam Matris buccinavit. In his enim temporibus inuenimus fere quadraginta huius Sacrae Religionis Autores, qui ex calamis enses fabricantes purissimam eius Conceptionem defendunt.* Et sermone ultimo eiusdem *Tractatus de Concept.* fol. 291. Festum Conceptionis (*ait*) à Societate IESV celebrari quidem, & bene celebrari, si quidem tam præclari huius Religionis filij, sanctitate, virtute, literis, & nobilitate, scriptis, & pulpitis defendunt.

113. A LVDOV. MOYA CORONEL Theologie Professore in Collegio suo Complutensi in Approbat. Logice P. Fran. Alfonsi. Est

*Est (inquit) hæc Societas illa Prophetarum 1. Reg. 19. vbi ad solum ingressum omnes prophetarunt. Est Societas illa IESV Magni Sacerdotis Zachar. 3. Vbi omnes viros Societatis IESV, viros portendentes Angelus Domini prædicauit. Est denique Domus illa IESV, in qua Ioan. 1. à Baptista discipulis res grandes, & valde subtile (Cyrillo teste) iudicabantur dignè edo- ceri, refert ergo filius Matrem, &c.*

114. \* A FRAN. DE S. IULIANO, *Qui in Approbat. ad Virtutem Librum Prædicationis fructuose inscriptum, & à P. Hieronymo Continente elaboratum, & typis editum Cæsar august. an. 1652. In gens. Societate (inquit) IESV virtus cum literis amico feedere coniunguntur: illa spiritu mundum ædificans, hæc ignorantias veræ sapientiæ oppositas, expellentes. Quod mysterium Euangelista Ioannes in Visione cap. 1. vers. 16. suæ Apocal. videtur prædictio esse, cum IESVM vidit, & Gladium utraque parte acutum de ore eius prodeuntem. Et de ore eius gladius utraque parte acutus exibat. Vbi sancti, & Euangelici Prædicatores signantur, secundum Gloss. Aretas, Primas. Am- bros. & alios, qui diuinæ prædicationis gladio bicipite, iam vitia vitæ exemplo, iam sapientia ignorantia radicem præ- cident. Sed cum Gladius ille de IESV ore exire visus sit, mihi persuadeo, verè in illo Societatis filios designatos, qui sibi in Ecclesia vendicarunt hoc tam iuste meritum Prædicatio- nis stemma. Hæc ille.*

115. \* A FRAN. DE AR COS Regio Concionatore S. Officij Qualificatore, ac sacre Scripturæ Magistro in Vniuersit. Toletana, in Approbat. Tom. 1. de Sanct. Toletanis per P. Anton. de Quinta- nadueñas. Societas (inquit) Respublica est Sapientiæ adeo con- iuncta, ut de ea dicere possimus (quod de Catholica dixit Lactantius lib. 6. q.) Non potest nec Religio à sapientia sepa- rari, nec sapientia à Religione secerni.